



Broj: 01-349 /16  
Datum: 11-07-2016

Na osnovu člana 108. stav (2) Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj 35/05“), člana 21. stav (3) tačka c) i stav (5) tačka f) u vezi sa članom 6. stav (2) Zakona o unutrašnjim poslovima Kantona Sarajevo („Službene novine Kantona Sarajevo, broj 1/16), člana 69. stav (1) tačka b), i stav (3) i člana 70. stav (4) Zakona o javnim nabavkama („Službeni glasnik BiH“, broj 39/14) – (u daljem tekstu: Zakon) i rješenja Ureda za razmatranje žalbi Bosne i Hercegovine, (u daljem tekstu: Ured), broj JN2-01.07-1-292-5/16, od 22.06.2016. godine, u vezi provođenja postupka javne nabavke “Proširenje stacioniranog radarskog sistema i sistema video nadzora na području Kantona Sarajevo”, putem ograničenog postupka, broj 01-103/16 ministar unutrašnjih poslova Kantona Sarajevo, d o n o s i:

## **O D L U K U**

### **o poništenju postupka javne nabavke**

#### **I**

Na osnovu obavještenja o nabavci, broj 1364-2-1-22-3-29/16, od 03.03.2016. godine i ispravke obavještenja, broj 1364-2-1-22-8-49/16, od 18.05.2016. godine, pokrenut je postupak javne nabavke “Proširenje stacioniranog radarskog sistema i sistema video nadzora na području Kantona Sarajevo”, putem ograničenog postupka.

#### **II**

Komisija za provođenje tenderske procedure u realizaciji Elaborata za nabavku stacioniranih radarskih uređaja u Kantonu Sarajevo, imenovana rješenjem ministra, broj 01-14-4-1198, od 29.01.2016. godine (u daljem tekstu: Komisija) je postupajući po rješenju Ureda, broj JN2-01.07-1-292-5/16, od 22.06.2016. godine, dala preporuku o poništenju postupka.

#### **III**

Po okončanju roka za žalbu, ugovorni organ će raspisati ponovni postupak nabavke.



#### IV

Ova Odluka stupa na snagu danom donošenja.

### Obrazloženje

Na osnovu odluke o pokretanju postupka broj 01-103/16, od 24.02.2016. godine, obavještenja o nabavci, broj 1364-2-1-22-3-29/16, od 03.03.2016. godine i ispravke obavještenja, broj 1364-2-1-22-8-49/16, od 18.05.2016. godine, pokrenut je postupak javne nabavke "Proširenje stacioniranog radarskog sistema i sistema video nadzora na području Kantona Sarajevo", putem ograničenog postupka, procijenjene ukupne vrijednosti 2.394.000,00 KM bez PDV-a.

Komisija je postupajući po naloženim uputama iz rješenja Ureda, broj JN2-01.07-1-292-5/16, od 22.06.2016. godine, u vezi sa žalbom na predkvalifikacionu dokumentaciju, koju je putem Ugovornog organa, dana 31.05.2016. godine uputio ponuđač „BS Telecom Solutions d.o.o Sarajevo“, kojim je žalba navedenog ponuđača usvojena u cjelosti, odnosno poništena predkvalifikaciona dokumentacija I faze ograničenog – međunarodnog postupka, broj 01-103/16, od 18.05.2016. godine, zajedno sa obavještenjem o nabavci, broj 1364-2-1-22-3-29/16, od 03.03.2016. godine, dala preporuku da se postupak javne nabavke poništi, u skladu sa članom 69. stav (1) tačka b, i stav (3) Zakona.

Cijeneći naprijed navedeno riješeno je kao u dispozitivu.

#### **POUKA O PRAVNOM LIJEKU:**

Protiv ove Odluke dopuštena je žalba koja se podnosi Ugovornom organu u roku od 10 (deset) dana od dana prijema obavještenja, a u skladu sa članom 69. stav (3) Zakona o javnim nabavkama.



#### DOSTAVITI:

1. Sektoru za podršku
2. Komisiji za nabavke
3. Ponuđačima x 4
4. Odjeljenju za odnose s javnošću, radi objave na web stranici ugov. organa
5. a/a